



Broj: 27/03-04-29169-7/23
Sarajevo, 08.01.2024. godine

Na osnovu člana 56. i 70. Zakona o organizaciji organa uprave u Federaciji Bosne i Hercegovine (Službene novine Federacije Bili. br. 35/05), člana 3. Odluke o standardima za izbor i bodovanje kandidata u postupku izbora kandidata na poziciju članova Savjeta ministarstva za visoko obrazovanje Kantona Sarajevo, broj: 27/03-04-29169-2.2/23 od 16.10.2023.godine, Zapisnika Komisije za izbor članova Savjeta, broj: 27/03-04-29469-6/23 od 20.10.2023. godine, ministar za nauku, visoko obrazovanje i mlade Kantona Sarajevo, d o n o s i:

O D L U K U

o poništenju Javnog oglasa za imenovanje članova Savjeta ministarstva za visoko obrazovanje Kantona Sarajevo ispred Ministarstva za nauku, visoko obrazovanje i mlade Kantona Sarajevo

I

Poništava se Javni oglas za „Imenovanje članova Savjeta ministarstva za visoko obrazovanje Kantona Sarajevo ispred Ministarstva za nauku, visoko obrazovanje i mlade Kantona Sarajevo“, objavljen na web stranici Ministarstva dana 23.06.2023. godine i u dnevnom listu „Oslobođenje“, iz razloga što kandidat koji je pristupio intervjuu, a nakon izvršene konačne ocjene od strane Komisije za izbor članova Savjeta, nije zadovoljio uslove za prolazak na intervjuu, propisane Odlukom o standardima za izbor i bodovanje kandidata u postupku izbora kandidata na poziciju članova Savjeta ministarstva za visoko obrazovanje Kantona Sarajevo, broj: 27/03-04-29169-2.2/23 od 16.10.2023.godine.

II

Ova odluka će biti objavljena na web stranici Ministarstva i u dnevnom listu „Oslobođenje“, dostavit će se kandidatu koji je pristupio intervjuu.

III

Ova odluka stupa na snagu danom donošenja.



Obrazloženje

Ministarstvo za nauku, visoko obrazovanje i mlade Kantona Sarajevo je dana 23.06.2023. godine objavilo na web stranici Ministarstva, Javni oglas za „Imenovanje članova Savjeta ministarstva za visoko obrazovanje Kantona Sarajevo ispred Ministarstva za nauku, visoko obrazovanje i mlade Kantona Sarajevo“.

U naznačenom krajnjem roku za dostavu prijava, pristigle su ukupno tri prijave.

Komisija za izbor članova Savjeta je dana, 10.10.2023. godine sačinila Zapisnik o pregledu i ocjeni pristiglih prijava i ocjenila sve pristigle prijave formalno - pravno urednim za provođenje intervjua.

Dana, 20.10.2023. godine na zakazani intervju je pristupio samo jedan kandidat Haris Hojkurić od ukupno tri kandidata, koji su također zadovoljili formalno – pravne uslove za intervju. Komisija za izbor članova Savjeta je obavila intervju sa kandidatom Harisom Hojkurićem, a zatim pristupila konačnoj ocjeni intervjua. Komisija za izbor članova Savjeta je nakon izvršene ocjene intervjua konstatovala da kandidat Haris Hojkurić, od ukupno tri postavljena pitanja, na dva pitanja je dobio ocjenu „nezadovoljava“, zbog čega nije zadovoljio uslove propisane Odlukom o standardima za izbor i bodovanje kandidata u postupku izbora kandidata na poziciju članova Savjeta ministarstva za visoko obrazovanje Kantona Sarajevo, broj: 27/03-04-29169-2.2/23 od 16.10.2023.godine za prolazak na intervjuu za imenovanje za člana Savjeta ministarstva za visoko obrazovanje Kantona Sarajevo ispred Ministarstva za nauku, visoko obrazovanje i mlade Kantona Sarajevo.

U skladu sa navedenim, prihvaćena je preporuka za poništenje Javnog oglasa, izdata od strane Komisije za izbor članova Savjeta, na osnovu koje je odlučeno kao u tački 1. ove Odluke.

Pouka o pravnom lijeku:

Protiv ove Odluke ne može se podnijeti prigovor.



Dostaviti:

2. Evidencija;
3. A/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

2/2